

Makitu ki nja joo ki Jan ndangi

Ta ki do makitu'ti ki nja joo ki Jan ndangi

Makitu kin in ki kulə'n kadi mbəti ki Dene lə Luwə ki ngann'a'gi adi to to ki in njekawnan lo madi'ti ki njekunme'gi ki me'ti be. Maji kadi in ndiginan yo ki ne ningə kadi uwəi tɔgi'de ba me rɔ'ti ki isi rɔi ki de'gi ki isi ndoi de'gi nyando'gi ki ngom ki lo lo.

Kon ta'gi ki me'ti: Kandi me ta'ti 1-3. Maji ki ur mad'a lə ndigi 4-6. Ndəji nan ki ɔjido nyando'gi ki ngom 7-11. Dəboy ta 12-13.

Kuwə ji nan

¹ M'in Ngatɔgi lə njekawnan'gi, m'ndangi makitu kin mad'i in Dene ki Luwə mbəti, taa madi ngann'i'gi ki in se'de'gi, m'ndigi'se ndigi ki rɔta'ti. Ningə in m'in par ə m'ndigi'se el, nan in de'gi pəti ki gəri nya ki rɔta'ti ə ndigi'se. ²Ji ndigi'se tado nya ki rɔta'ti uwə me'je, ningə in nya ki a to me'je'ti biti ki non'ti. ³Ningə ji dəji kadi memaji, ki k'oo kumtondoo, ki lapiya lə Baw'je Luwə in ki Ngonn'o Jeku Kirisiti in sese nan'ti kadi isi me nyara ki rɔta'ti ki me ndigi nan'ti.

Nya ra ki rɔta'ti in ki ndiginan

⁴ Rəm nəl'm ki dum biti kadi m'oo toki ngann'i'gi madi isi njiyəi do row'ti ki rɔta'ti, toki Baw'je Luwə dəji'n'je. ⁵Ningə ki ngosine kin, Dene ki njendigi lə'm, nya ki m'dəji, in ta kadi ji ndiginan ki yo ge ne ge. In mbərkikində ki sigi ə m'ad'i el, nan in ndukun ki j'ingəi

lo kulə ngirə'ti nu inbe kin*. ⁶ Ndigì nan in njiyə go mbərkikində'gì'ti lə Luwə. Nga ningə, mbərkikində ki osi mbi'se'ti lo kulə ngirə'ti nu, in ta kadi njiyəi me ndigì nan'ti.

⁷ Nje kədi de'gì k'ilə'de kə ngayn sananyinan ki lo pəti dənangi'ti ne, ningə mbeti kadi n'eli toki Jeju Kirisiti təl'de toki rəta'ti. Lo kin'ti a oyi'de ki nje ngom'gì, ki njeban lə Kirisiti. ⁸ Indəi kumkədi də rə'se'ti inbe'gì, kadi kandi kulə ra'se nanyi kə kare el, nan kadi ingəi nyakugə goji'se ki asi low'ə'ti berere. ⁹ Ningə de ki ra də nja'ne'ti me nyando'ti ki əjidə Kirisiti el, nan tə ra dow kare, in de ki nya madì ki dəə'a nan'ti ki Luwə goto ne. De ki ra də nja'ne'ti me nyando'ti ki əjidə Kirisiti, in de ki dəyinan nan'ti ki Luwə ki Baw ki Ngonn'o num. ¹⁰ Kin ə re de madì re rə'se'ti ki nya ki rangì um ki nyando kin el ə, uwəi'ə ki rə'se'ti el num, uwəi jì'ə el num. ¹¹ Tado re uwəi jì'ə ə, rai madì nan si'ə də kulə ra'a'ti ki majel.

Ta ki dəboy'ti

¹² M'aw ki nya'gì ngayn bay kadi m'el'se, nan m'ndigì kadi m'ndangi ki mann ndangi nya me makitu'ti el. Tado m'ində me'm'ti kadi m'a m'aw rə'se'ti kadi m'el'se ta ki ta'm, kadi to rənel lə'je osi taga bal. ¹³ Ngann'gì lə konnann'i ki in njekawnan'gì ki ne, ki in de'gì ki Luwə mbəti'de uwəi jì'i.

* 1:5 1.5 Jan 13.34, 15.12,17

Ta lə Luwə Kunmindɪ kɪ Sigi
New Testament in Gor

copyright © 2014 Wycliffe Bible Translators, Inc.

Language: Gor

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 1 Jun 2022

2c67456e-bce1-5ef4-9c95-47d2d9335aa4